



TUHAQTAUYUKHAQ

Kanatalu Nunavullu Quviahuutigiyaaq Iilitariyaupluni Angmaqtauyuuq Naujat Katitpakviat

Naujaat, Nunavut (July 2, 2010) – Nan'ngariyauyuq Lorne Kusugak, Minista Nunalingni Kavamatkunnilu Pivikhaqautitkunnut tiliuqtauhimapluni Nan'ngariyauyumit Leona Aglukkaq, Ministauyuq munariyalik Ukiuqataqtumik Kanatapluni kavamainni Minista Aanniaqtuliyitkunni, ilaqaqhutik John Ningarkmik, Maligaliuqti Akullirmut, unalu Donat Milortok, Miiya Naujaani, uplumi quviahuutigiyaaq iilitariyaupluni angmarnia Naujat Katitpakviat. Taamna \$5.99 miliat taalanik akilik nappaqtiqtauhimayuq havaqatigiikhutik Kanatalu-Nunavullu akiliqpagaak atuqhugu Haamlatkut Nappaqtiriyaangani Akikhat (MRIF-mik taivagaat naittumik).

"Uplumi angmarnia katitpakviup Naujaani takunnaqtuq Kavamaita Kanatap akhuurutigiyaata piyaangani alianaqtunik aularaanginnarianganilu nunaqariangani," uqaqtuq Minista Aglukkaq, Ministauyuq munariyalik Ukiuqataqtumik Ministalu Aanniaqtuliyitkunni. "Katitpakvik imaittuq katimavigivagaat inuit, atauttimunngaqtittugit. Naahuriniaqtatka amigaittut hulilukaarutait piyakhatik hivunirni ukiuni amihuni."

"Uplumi quviahuutigiyaaq angmarnia Naujaat Katitpakvia. Una nakuuqpiatuq katilvikhaat Naujaarmiut ilauyaangani uplaqitjutini pitquhitut hulilukaalirumiklu," uqaqtuq uqaqtuq Minista Kusugak. "Nappaqtiriniq uuminnga igluqpangmik piyaulaalaqiyaa atuqhugu Haamlatkut Nappaqtiriyaangani Akikhat (MRIF-mik taivagaat naittumik).

Hivullikkut parnaiyarniq itjuhikhaagullu naunaiyainiq Katitpkavingmut aullaqtiliqtuq lipu April 2008mi hanaliqhugulu 2009mi iniqtiliqhugu talvani ukiumi.

Kanatap Nunavtuipulu Kavamait ilauplutik akikhakkut tamarmik piuplutik angiqatigiitumik pivaktuk 2005mi akilirianganu ulapqijutikhanik, katitpakvikhanik, aulatjutilingniklu nakuuyunik igluqpangnik. Tamatkiqhugu akikhaq atuqhugu MRIF una \$38.3 miliat taalauyuq Nunavunmi havaariyauyukhanik. Atuatkhagaq taamna aulapkaqpagaat Kavamaata Kanatap uvuuna Kanatap Ukiuqtaqtuani Maniliurahuarnikkut Havakvianit (CanFormik taivagaat naittumik).

- 30 -

Kangiqhittiarumagunni, hivayatjavat:

Elissa McKinnon
Atuqtakhanik
Ilittuqhaiyi/Tuhaqtakhailiqiyi
Nunalingni Kavamatkunnilu
Pivikhaqautitkunnut
Kavamanga Nunavut
(867) 975-5342

Craig Welsh
Tuhaqtakhaliqinirmut Uqautjiyi
Kanatap Ukiuqtaqtuani
Maniliurahuarnikkut Havakvia
(867) 975-4537